

史記

神武至仁德

		一	和
		五	書
		一	門
		八	類
		六	
一	一	六	
六	八	六	
冊	架	函	

138

		和
		書
		類
		六
		六
三	一	六
九	一	六
函	冊	架
二	二	

國史十四

內閣文庫		
番號	和	15186
冊數		16 ( 1 )
函號	139	138

139-138

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak






政記序

淺草文庫

恭惟方今文物之盛加以英明威武而天下大治矣  
 然海內人士或徒知其為盛且治而不知盛與治固  
 繇乎教化之隆與紀綱之張故取其所謂盛與治者  
 托諸天運以為至治極盛之世可以般樂怠敖以終  
 身矣於是乎酣醉淋漓奢侈成風竊謂此風大行于  
 天下則終俟教化替而紀綱弛亦未可知也乃察機  
 於未萌保治於無疆使天下不至衰且亂實在於今  
 日噫識者可不留意乎此乎哉京師賴山陽抱經濟  
 之才審古今之迹夙有外史通議之著晚復作政記



十六卷而不幸以處士終未嘗有一日而試其胸中  
所蘊可勝嘆乎中西伯基有感于此將活版以刷三  
書而外史通議既成傳播日久政記今復成伯基將  
俟余序以傳諸世余觀政記之書自可於世亦未嘗  
神武至  
後陽成九百有八世上下二千年教化之隆替紀綱  
之張弛盛衰治亂之交代莫弗記載焉聞亦加以其  
平日所見可謂其論痛快切當事情矣余謂天下之  
論政者何限要皆不能出乎山陽之右而外史通議  
亦皆言政之書而通議廔廔二三卷外史雖卷帙浩

瀚大抵止紀人之忠姦淑慝二書皆不若政記之博  
且詳也然則天下之論政者莫善于山陽而山陽言  
政之書莫備于政記嗚呼山陽雖不在位而識者或  
取以供其贊治輔化之一助能出察機慎微之政俠  
人士奢侈之風止措天下於泰山之安亦莫足道者  
然則豈啻山陽之功多而已哉伯基之力亦為不淺  
淺矣余奚不樂叙而傳之天保九年長夏上弦識於  
靜修堂江戶鶴橋學人林長孺

神武天皇  
 崇神天皇  
 垂仁天皇  
 成務天皇  
 應神天皇  
 孝靈天皇  
 孝昭天皇  
 孝安天皇  
 孝元天皇  
 開化天皇  
 崇神天皇  
 景行天皇  
 仲哀天皇  
 仁德天皇

日本政記目次

卷之一

神武天皇

安寧天皇

孝昭天皇

孝靈天皇

開化天皇

垂仁天皇

成務天皇

應神天皇

崇神天皇

崇神天皇

綏靖天皇

懿德天皇

孝安天皇

孝元天皇

崇神天皇

景行天皇

仲哀天皇

仁德天皇

卷之二

履仲天皇

反正天皇

允恭天皇

康安天皇

雄略天皇

清寧天皇

顯宗天皇

仁賢天皇

武烈天皇

繼體天皇

安閑天皇

宣化天皇

欽明天皇

敏達天皇

用明天皇

崇峻天皇

推古天皇

舒明天皇

卷之三

皇極齊明天皇

孝德天皇

皇極齊明天皇

天智天皇

天皇大友

天武天皇

持統天皇

文武天皇

卷之四

元明天皇

元正天皇

聖武天皇

稱德孝謙天皇

廢帝天皇

稱德孝謙天皇

卷之五

光仁天皇

桓武天皇

平城天皇

嵯峨天皇

淳和天皇

醍醐天皇

卷之六

天德天皇

仁明天皇

文德天皇

清和天皇

陽成天皇

卷之七

天長天皇

光孝天皇

宇多天皇

醍醐天皇

朱雀天皇

村上天皇

冷泉天皇

圓融天皇

花山天皇

卷之八

新皇天皇

一條天皇

三條天皇

後一條天皇

後朱雀天皇

後冷泉天皇

小治政

卷之九

後三條天皇

白河天皇

堀河天皇

鳥羽天皇

崇德天皇

近衛天皇

後白河天皇

二條天皇

日本書紀

三

六條天皇

二條天皇

卷之十

崇德天皇

高倉天皇

安德天皇

後鳥羽天皇

土御門天皇

卷之十一

順德天皇

九條廢帝

後堀河天皇

四條天皇

後嵯峨天皇

後深草天皇

龜山天皇

後宇多天皇

伏見天皇

後伏見天皇

後二條天皇

花園天皇

卷之十二

後醍醐天皇

卷之十三

後村上天皇

長慶元皇

卷之十四

後龜山天皇

後小松天皇

稱光天皇

後花園天皇

卷之十五

後土御門天皇

後柏原天皇

後奈良天皇

卷之十六

正親町天皇

後陽成天皇

孝德天皇

孝德天皇

卷之十四

孝德天皇

孝德天皇

卷之十三

孝德天皇

孝德天皇

卷之十二

孝德天皇

孝德天皇

日本政記 卷之十六

神武天皇

諱彥火火出見小名狹野號神日本

武鸕鷀草葺不合尊第四子母玉依姬以庚

午歲生年十五立為太子年四十七即位

位七十六年崩壽一百三十

元年 辛酉春正月庚辰朔天皇即位於大和橿原宮先

是庚寅夢天皇在日向高千穗宮會諸皇旌議曰此

瑞穗之國我祖宗之所受於天而運屬草昧居此西

徧多歷年所顧此四方未霑王澤遂使邑有君村有

長各相凌轢莫之能統一吾聞東方有美地山岳四



周足以恢弘大業有饒速日命者稱出我祖支屬爲  
長髓彦者所擁先據有此吾將掃蕩之定都焉遂經  
營四方也十月親將發日向至速吸門前豐得珍彦叔  
爲導導十二月至安藝居埃宮乙卯歲入吉備居高  
島宮備舟楫蓄兵食戊午歲二月航抵浪速潮流至  
河內赴龍田路險隘乃東由生駒山入大和長髓彦  
邀擊我軍于孔舍衛阪我軍不利皇庶兄五瀨命傷  
於矢薨乃退還示弱轉由紀伊入高倉下武津見等  
歸順以爲鄉導歷熊野之險出菟田縣道臣命爲先  
鋒誅兇猾破八十餘師于國見岳斬之又用珍彦計

設疑兵殺兄磯城遂進攻長髓彦饒速日殺長髓彦  
來降時冬十二月也己未歲分兵誅諸窟居賊盡定  
大和相畝傍山東南爲國之奧區定爲都焉至是即  
位立正妃媛蹋鞞爲皇后事代主神女奉三種神器  
於正殿曰劔曰鏡曰璽以天種子命天富命主祭祀  
掌朝政可美真手率內物部衛宮中道臣命率來目  
部護宮門可美真手饒速日之子也

二年壬戌論功行賞以珍彦爲大和國造劔根爲葛城  
國造弟猾爲猛田縣主弟磯城爲磯城縣主賜道臣  
命宅地武津見等受賜有差可美真手天日方奇日

方并為申食國政大夫

四年甲子立靈時於鳥見山祀皇祖天神

四十二年壬寅立皇子神渟名川耳尊為皇太子

七十六年丙子春三月天皇崩於檀原宮

丁丑歲秋九月葬神武天皇

賴襄曰我王國之成基可謂深且遠歟自神武以

前莫得而知焉蓋以神明之胤累葉積德雖在西

偏遐邇屬望而發之於此爾抑當草昧之世雄長

基峙之時能一舉而定海內海內怡然以開千萬

年之業自非天錫勇智首甘群倫焉能如此蓋曰

神武允矣舊志稱帝德明達豁如帝新得諸縣而

署之首長皆疇昔之抗兵反刃者仍而用之無所

變更其感恩効力於民民亦便安之可知也且夫

以敵帥之冢嗣而既納其降則授之干戈委以環

衛之任而不疑非所謂推赤心人腹中者哉雖然

總領郊畿典宮外之兵者乃用勲舊與內衛相制

猶彼漢之以郡國兵衛宮以京輔兵衛城唐之令

元從禁軍出屯渭南創業垂統者所為如合符節

亦可以見明達之一端矣後世庸主每因親疎私

存形迹不能服天下之心而制禍患之萌皆不達

於此者也或曰神武以封建爲制至天智葦之襲  
曰不然吾觀神武東征之議有言曰四方未歸拔  
治遂使邑有首縣有君以相凌轢如此者神武之  
所患而所以征而蕩一之也然後命之首長有新  
銓者有因其故用之者以大和推之其他皆然雖  
然政任天造無甚明制可知也而其後漸既弛廢  
因襲矣故天智修而釐之大定司牧之制考課黜  
陟之法蓋成神武之志以貽範百王者也不然雖  
以天智之英武而葦祖宗之制變開國以還既成  
之勢滅人國絕人世不知其幾千萬是一朝而可

能乎曰不能也

綏靖天皇

諱神渟名川耳尊神武第三子母媛  
賜鞞皇后年十四立爲太子在位三

十三年崩壽八十四葬  
大和桃花鳥田北上陵

元年

庚辰

春正月天皇即位遷居葛城高北宮初天皇

在儲位三十四年神武崩在諫闇庶兄手研耳命代  
聽朝政威福由已遂謀大逆太子知之密與母兄神  
八井耳命謀爲之備已卯歲冬伺其困臥襲誅之神  
八井耳戰懼不能射太子奪其弓矢射殺之神八井  
耳歎曰吾不及汝武宜乎能兼續大業吾當爲汝輔  
而已

二年<sup>辛巳</sup>春立五十鈴依媛為皇后事代主神少女

三年<sup>壬午</sup>春以湯彥支命為申食國政大夫

二十五年<sup>甲辰</sup>春立磯城津彥玉手看尊為皇太子

三十三年<sup>壬子</sup>夏五月天皇崩

安寧天皇

諱磯城津彥玉手看尊安寧天皇子母五十鈴依媛皇后在位三十八年崩壽五十葬畝傍山西南御陰井上陵

秋七月天皇即位

元年<sup>癸丑</sup>冬十月恭綏靖天皇

二年<sup>甲寅</sup>遷居片鹽曰浮穴宮

三年<sup>乙卯</sup>春立淳名底仲媛為皇后事代主神孫鴨主

女

十一年<sup>癸亥</sup>春立大日本彥耜友尊為皇太子

三十八年<sup>庚寅</sup>冬十二月天皇崩

懿德天皇

諱大日本彥耜友尊安寧第二子母淳名底仲媛皇后在位三十四年崩壽七十八葬畝傍山南織沙溪上陵

元年<sup>辛卯</sup>春二月天皇即位 秋八月恭安寧天皇

二年<sup>壬辰</sup>遷居輕地曰曲峽宮立天豐津媛為皇后息

右耳命女

二十二年<sup>壬子</sup>春立觀松彥香殖稻尊為皇太子

三十四年<sup>甲子</sup>秋九月天皇崩

元丑歲冬十月葬懿德天皇

二 孝昭天皇 諱觀松彦香殖稻尊懿德子母天豐

十四葬掖上博多山上陵

元年 丙寅春正月天皇即位遷居掖上曰池心宮

二十九年 甲午春立世襲足媛為皇后尾張連瀛津世襲女

襲女

六十八年 癸酉春立日太足彥國押人尊為皇太子

八十三年 戊子秋八月天皇崩

十一 孝安天皇 諱日本足彥國押人尊孝昭第二子母世襲足媛皇后在位一百二年崩

壽一百三十七葬壬午北上陵

九年 己丑春正月天皇即位 秋八月葬孝昭天皇

二年 庚寅遷居室地曰秋津島宮

二十六年 甲寅春立押媛為皇后天足彥命女

七十六年 甲辰春立大日本根子彥太瓊尊為皇太子

一百二年 庚午春正月天皇崩 秋九月葬孝安天皇

孝靈天皇 諱大日本根子彥太瓊尊孝安子母押媛皇后在位七十六年崩壽一百

二十八葬片岡馬阪陵

元年 辛未春正月入皇即位遷居黑田曰廬戶宮

二年 壬申春立細媛為皇后磯城縣主大日女

三十六年 丙午春立大日本根子彥國牽尊為皇太子

七十六年丙戌春二月天皇崩于...

孝元天皇諱大日本根子彥國率尊孝靈長子母細媛皇后在位五十七年崩壽一百十七葬劍池島上陵

元年丁亥春正月天皇即位

四年庚寅遷居輕地曰境原宮是歲秋葬孝靈天皇

七年癸卯春立鬱色謎為皇右總績臣鬱色雄女入

二十二年甲戌春立稚日本根子彥太日日尊為皇太子

五十七年癸未秋九月天皇崩

開化天皇諱稚日本根子彥太日日尊孝元第二子母鬱色謎皇后在位六十年崩

壽一百一十一葬春日率川阪本陵

冬十一月天皇即位

元年甲申遷居春日白率川宮

五年戊子春二月葬孝元天皇

六年己丑春立伊香色謎為皇右物部大綜麻杵女

二十八年辛亥春立御間城入彥尊為皇太子

六十年癸未夏四月天皇崩冬十月葬開化天皇

崇神天皇諱御間城入彥五十瓊殖尊開化弟二子母伊香色謎皇后在位六十八年崩壽一百二十葬山邊道上陵

元年甲申春正月天皇即位二月立御間城姬為皇

右大彥命女

三年<sup>丙戌</sup>遷居磯城曰瑞籬宮

六年<sup>己丑</sup>遷奉神器于大和笠縫邑祭天照太神命皇

女豐楸入姬常侍掌祀事先是列朝皆安神器於殿

內同牀臥起帝懼其褻瀆故有此舉別模造劔鏡置

之御座

七年<sup>庚寅</sup>定天社國社神邑神戶

十年<sup>癸巳</sup>秋遣大彥命于北陸武渟川別于東海吉備

津彥于西國道主于丹波並授印將兵巡按有不受

令者聽征誅之未發會武垣安彥反自山背其妻吾

田自大阪兵襲京師帝即命五川狹芥彥要擊吾田

斬之命大彥擊安彥于鞆韓川南射殺之冬十月大

彥等發京師

十一年<sup>甲午</sup>大彥等還

十二年<sup>乙未</sup>校人民戶口序壯老課男女調役初帝即

位數年飢疫盜起帝憂惕厲精求治至是歲大稔家

給人足民稱曰御肇國天皇

十七年<sup>庚子</sup>詔課諸國造舟舩

四十八年<sup>辛未</sup>立皇三子活目尊為皇太子命皇長子

豐城命鎮撫東國

六十年癸未出雲國亂遣吉備津彥武渟川別討平之

六十二年乙酉詔河內開池溝通水利

六十五年戊子任那入貢其使者獲那曷叱知留侍皇

太子

六十八年辛卯冬十二月天皇崩

賴麩曰鴻荒之事和漢同然置而不論可矣雖然祖宗之所源始亦臣子之不可不知者非如漢人之語軒莪也蓋大日靈貴之德雖不可窺測徵之神器如刀可得而言焉夫鏡者明也劍者武也而玉璽者仁也信也仁信明武繼天君民之道盡矣

故以遺子孫曰視此猶視我國祚之隆當與天壤無窮因其言之驗於後可以知其德之基於前已吾聞大廟之充神庫者耕織之具為首因此觀之其猶右稷歟及至玄孫發跡西土整旅東征與文武之業無異而垂統千葉一姓不替足以眇視彼八百載其德果不可測也夫前王之親神器崇神之防褻瀆其意一也而崇神厲精治民不虛肇國之號真可謂善繼祖德者也歟孔子曰務民之義敬鬼神而遠之故敬神無如務於民也世之稱神道者悠繆荒誕而無益於民皆崇神之罪人也吾



嘗稱王業衰而神道興何則是祖宗之事已當王政盛而誰敢騰之口舌以樹私說哉騰之口舌以樹私說者始於卜部兼俱之教足利義尚噫彼為何等時邪宜乎出此無忌憚者也

垂仁天皇諱活目入彦五十狹時尊崇神第三子母御間城皇后在位九十九年崩

元年壬辰春正月天皇即位冬十月葬崇神天皇

二年癸巳立狹德姬為皇后遷居纏向日珠城宮是歲遣歸蘇那曷知厚賜任那主新羅人途要奪之二國相仇怨始此

三年甲午新羅王子天日槍歸化賜邑于但馬

五年丙申狹穗彥反伏誅狹穗彥皇后兄也陰懷異圖誘右行逆告實於帝帝謂非右罪命將討狹穗彥狹穗彥入城拒守右不忍坐視兄死抱皇子奔投城中詔狹穗彥奉返不奉詔右使人奉皇子出城而與兄同死帝更納丹波道主王女日葉酢媛為皇后

二十五年丙辰春三月遷天照大神廟于伊勢度會建齋宮于五十鈴川上使皇女大和姬代豐鍬入姬奉齋焉

二十七年戊午始以兵器為祭幣是歲置屯倉于淡路

二十八年<sup>癸亥</sup>皇右日葉酢媛崩初帝母兄和彥命覺以近臣殉葬帝聞其號泣聲惻然詔禁殉死至皇右崩野見宿禰奏請以土偶殉帝嘉之定為永制宿禰姓上部世掌大喪宿禰出雲人有勇力嘗受詔與力人當麻蹶速用力勝之朝廷有相撲儀始此

三十五年<sup>丙寅</sup>令諸國開池溝八百餘所以便灌溉民賴殷富

三十九年<sup>庚午</sup>立皇三子大足彥尊為皇太子賜弓矢於皇長子五十瓊敷命

九十九年<sup>庚午</sup>秋七月天皇崩冬十二月葬垂仁天皇

皇

額襄曰自神武一傳而有手研耳之事十傳而有狹穗彥之反皆變之大者其得失之際後王之所當鑒也大凡人事莫重於繼統而繼統莫厚於婚姻二者禍福之所由分也匹夫之家且然況有國及天下者不慎於此莫以持先業而保億兆焉也所以修前史者於立右建儲之事必謹書之夫綴疇之為儲貳既定於先皇在世之時矣則手研耳雖以庶兄有功伐固不容覬覦否則兄弟相殺與玄武門蹀血之禍何以異哉唯夫神武之慮勝於

唐高祖是以綏靖無太宗之懃雖綏靖之運謀決  
機能濟大難抑亦神武早為之處置之所致也狹  
總身為帝戚故圖久逆蓋亦有以致之崇神遣  
將四道大彥命居首焉乃皇后之父也豈賴其戚  
親委以兵權邪雖狹德彥之資位不可考而非有  
權力者何遽崩此非望哉其後若獲我馬子乃狹  
穗彥之志者也及至藤原氏世藉戚畹專恣極矣  
而未嘗至謀反逆者雖各分大定有異往昔而亦  
不躬握兵權故爾可不鑒哉至皇后之抱皇子為  
質不過計免兄死已而還曾俱斃雖其心可悲要

之非配至尊母天下者之所當為也幸而垂仁不  
惑使玉石共焚而不恤使其惑而不能斷叛臣將  
得其計亦亦危乎

景行天皇 諱大足彥忍代別尊垂仁第三子大  
日葉酢媛皇后在位六十年庚辰一

百四十葬山  
邊道上陵

元年 辛未 秋七月天皇即位 居纏向日日代宮

二年 壬申 立播磨稻日太郎媛為皇后

四年 甲戌 春行幸美濃

十二年 壬午 秋七月筑紫熊襲反八月天皇親征行勦

周防豐前賊冬十一月至日向起行宮曰高屋宮熊

襲有二女或獻策誂之歸順長女納欵誘官軍殺熊襲帝惡其所為誅之以次女為大國造駐日向六年筑紫悉平乃返

二十五年<sup>未</sup>遣武內宿禰巡察東北諸國返奏其地次壤民俗勇悍可收為朝廷用

二十七年<sup>丁酉</sup>秋筑紫又亂命皇子日本武尊代征召美濃尾張射平從之尊時年十六變服親誦賊巢窺賊酋醉手刺殺之餘眾警服乃返勦吉備難波賊

四十年<sup>庚戌</sup>東夷反遣日本武尊征之吉備武彥大伴武日副焉是歲封皇子大碓命於美濃

四十三年<sup>癸丑</sup>日本武尊平東夷而返至伊勢薨初尊

至駿河虜倂降襲官軍尊奮擊克之遂自相摸航海抵上總轉入陸奧蝦夷降附返巡視上野信濃使武彥分按越國會于美濃平述江賊獲病返獻俘伊勢

大廟使武彥奏捷京師病篤薨<sup>高次郎</sup>

五十一年<sup>辛酉</sup>初天皇欲以日本武尊為儲武會其薨乃立其弟維足彥尊為皇太子是歲以蝦夷俘分

居畿外播磨等五國<sup>武彥</sup>王<sup>武彥</sup>皆東山<sup>武彥</sup>居畿外播磨等五國<sup>武彥</sup>王<sup>武彥</sup>皆東山<sup>武彥</sup>

五十二年<sup>壬戌</sup>皇后崩立八坂入姬為皇后八坂入彥

女<sup>武彥</sup>三<sup>武彥</sup>年<sup>武彥</sup>崩<sup>武彥</sup>皇<sup>武彥</sup>后<sup>武彥</sup>崩<sup>武彥</sup>立<sup>武彥</sup>八<sup>武彥</sup>坂<sup>武彥</sup>入<sup>武彥</sup>姬<sup>武彥</sup>為<sup>武彥</sup>皇<sup>武彥</sup>后<sup>武彥</sup>八<sup>武彥</sup>坂<sup>武彥</sup>入<sup>武彥</sup>彥<sup>武彥</sup>

五十三年<sup>癸亥</sup>帝東巡歷覽東海諸國返駐伊勢踰年乃返

五十五年<sup>丑</sup>遣宗室彦狹島王都督東山道諸國途

病薨以其子御諸別王襲職討蝦夷未服者平之

五十七年<sup>丁卯</sup>令諸國興田部屯倉

五十八年<sup>戊申</sup>行幸近江志賀號高穴穗宮

六十年<sup>庚午</sup>冬十一月天皇崩於高穴穗宮

額襄曰我朝以武立國神武以還經數十世雖時

有變故嗜難戢亂頃刻而辨天下不搖者非以兵

權在上網維可掣故哉然皆係於變矣其有外叛

始見於景行云蓋雖神武能肇造中土東西諸道

號令未周自崇神已漸命將四出至此治熊襲則

親將伐之何者其事大也其事大則其用兵亦大

大兵之權不可委之臣下也及賊再燃難於再動

兵則遣皇子代往其慎也如此故至巡察東國雖

初遣大臣至經略之任亦任之皇子其意可以見

已及至後世兵戎之事委之有司雖公卿亦不甚

恤之況於天子高拱深宮曰賊何能為甚則不識

將帥之面也而責其損驅夷賊及於奏捷又不時

論賞終之致大權下移國勢一變長不復於古可

勝歎哉至景行之封皇子於美濃又以皇族管領東海亦有深意存焉夫以未服之國其土次兵強不可不收為我有而不可任之牧宰亦非其所能任也於是封建宗室使自經紀之使其力足以鎮撫於當時而藩屏於異日以制內外輕重之勢可謂知大計矣中古郡縣成制雖以親王任國守其人皆生長婦人手粹姿弱質足不履地皆虛任遙領遣介掾代往而已是以本支益弱天子孤立使朝廷大臣無所忌憚未必不由此獨後醍醐以諸皇子充將帥得景行之遺意而諸皇子亦有雄勇

大勝任者矣然終不能復古者豈其時已不可為邪

抑天子不能躬親勤勞克有終始如景行也

成務天皇

詳雅足彥景行第四子母八阪入姬皇后在位六十七年崩壽一百八葬大

和狹城

元年辛未春正月天皇即位于高穴穗宮

二年壬申冬十一月葬景行天皇

三年癸酉春以武內宿禰為大臣帝與宿禰同年生自幼相親善景行帝嘗宴羣臣帝與宿禰不至問之答曰百僚宴樂宿衛不可不戒景行嘉之遂立為儲貳

以宿禰為侍至繼位有此命置大臣始此

五年乙詔界山河分國縣隨阡陌定邑里國郡立造

長縣邑置楯置東西曰日縱南北曰日橫山陽曰影

面而山陰曰影背

四十八年戊立皇從子足仲彥為皇太子

六十年庚夏六月天皇崩

辛未歲秋九月養成務天皇

仲哀天皇

諱足仲彥日本武尊第二子成務無子故立為嗣母兩道入姬在位九年崩壽五十二葬

元年壬春正月天皇即位冬十月以太伴武以為

大連與大臣並輔朝政置大連始此

二年癸春正月立氣長足姬為皇右氣長宿禰王女

二月行幸越前角鹿皇右及群臣從焉帝南至紀伊

會熊襲反親帥舟師征之遣使角鹿令皇右以下會

於穴門居豐浦行宮

八年己春進幸筑紫居香推行宮秋九月會群臣

議追討皇右以為先征新羅則熊襲自服矣帝不從

親戰不克

九年庚春二月天皇病崩于香推行宮皇右與諸大

臣謀秘不發喪令大連率羣臣守行宮而令武內宿

禰密奉喪殯于豐浦終決策征新羅備船艦弓弩論

日本政譜 卷之二  
羣臣曰此事不必諉之汝等吾自當之事成共其功  
不成吾獨有罪於是遣鴨別當熊襲而自齋戒禱神  
祇爲男裝誓師而發冬十月至新羅新羅王波沙寐  
錦不意我大兵奄至惶遽出降后命納質子申盟約  
徵犒師金帛八十船遂爲歲貢定額高麗百濟並望  
風歸欵乃置官司戍兵凱旋十一月至筑紫十二月  
生皇子名譽田別初皇后有孕征三韓而返乃生故  
稱胎中天皇初景行帝身材長大日本武尊仲哀皆  
類之及皇子生亦奇偉腕肉突起似母右旌裝負韜  
狀古語謂韜譽田故名云

前志記仲哀崩之際多曖昧者後世讀者不免容  
疑於神功皇后云賴襄曰是不容疑者吾深會其  
前後事跡斷知其不容疑也夫熊襲久雄長西偏  
以景行興日本武前後討伐而其蟠根餘孽終不  
可拔者蓋倚新羅爲後援也當時諸大臣更事如  
武內者必有建舍近擊遠之策者皇后以有籌略  
從軍與議亦右其策而仲哀銳意誅鋤不聽而親  
戰敗劔創病創劇終崩皇后恐諸軍沮喪賊來乘  
之大事去矣是以與腹心密謀秘喪不發留大連  
守行宮如天子在狀深溝高壘相持不戰而潛兵



急發以遂行前策直擣巢窟奪其倚據然後熊襲  
果不攻而下矣特以蹋海波赴未知之地衆情所  
疑懼故多方詭之神明日神告我以寶玉之國帝  
不從故暴殞常相與勉往取之皆鼓舞從兵之語  
耳史氏從而實其事皇張誇大而後人不察所以  
致紛紜也胎中天皇之稱已見民望所屬雖有庶  
兄之乘變圖自立未幾就誅夷攝政數十年中外  
無異議可知其事之暴白當時厭人心而何必容  
疑於千載之下

應神天皇

諱譽田仲哀第四子母氣長足姬皇  
后皇后攝政六十九年崩帝聽政四

十一年崩壽一百十  
一葬惠我山岡陵

辛巳歲春二月皇后奉帝至豐浦宮乃發仲哀帝喪  
將奉梓宮返京師時帝庶兄麿坂忍熊二王舉兵要  
之播磨皇后使武內奉帝航起紀伊會麿坂暴薨忍  
熊退軍住吉皇后帥舟師直向難波忍熊又退軍菟  
道皇后與帝會命武內進擊忍熊忍熊敗走死瀨田  
冬羣臣尊皇后為皇太后臨朝攝政  
壬午歲冬十一月葬仲哀天皇  
癸未歲春補帝為皇太子  
巳酉歲返新羅質士

日本書紀 卷之十一  
已未歲遣使於魏

丁卯歲白濟新羅共入貢皇太后皇太子大喜曰是  
先帝之所伏而不見也羣臣為之感動

己巳歲先吳新羅奪百濟貢物相易而獻敕逐新羅  
使者遣使其國責問之至是遣荒田別等將兵援百  
濟討新羅破之遂定任那七國加賜地於百濟  
丙戌歲遣使於晉

己丑歲夏四月皇太后崩壽一百歲冬十月葬于狹  
城盾列池上陵謚神功皇后

元年庚寅春正月帝即位都輕島號明宮

二年辛卯春立仲姬為皇后

三年壬辰蝦夷入貢先是百濟王枕流卒子阿花幼叔

父辰斯篡立是歲遣紀角等郡木菟等責問之國人

殺辰斯以謝角等立阿花而返

五年甲申定諸國海人仙守部

七年丙申高麗百濟新羅任那並入貢令武內宿禰役

韓人正身池曰韓池

九年戊戌遣武內宿禰按察西海其弟其美內宿禰護

其密招三韓據筑紫謀反敕遣使索驗有真根子貌

類武內自殺以免之武內潛詣闕自明勅面對質甘

漢內伏罪特赦死一等存後世國自即故山漢  
十四年癸亥秦主政苗裔在百濟者歸化分置諸郡使  
養蠶造絹賜姓秦氏外秦西漢其其笑外百濟  
十五年甲辰先是百濟王阿花無禮削其東韓地阿  
花懼使其子阿直岐來朝謝罪至此復來貢良馬阿  
直岐通經典帝使皇子維郎子師學焉阿直岐更薦  
其國秀士王仁外立阿直岐而  
十六年乙丑王仁來齋獻論語十卷尋阿花卒敕遣歸  
阿直岐繼位復其削地外王仁所學千阿直岐以  
穎襄曰道一而已矣道之在天下也猶日月也日

月者天下之日月也非一國所私有也道亦然父  
子君臣夫婦無國無之而慈孝忠義有別不雜皆  
存於自然非有待於人作也我邦列聖保民如子  
不讓堯舜禹湯其風俗尊君親上相愛相養又有  
過唐虞三代之民則雖無經籍其道固具在特未  
有名而教之曰仁曰義者耳譬若人家同是一里  
也而居之有舊有新某巷陌某井溝皆有各目記  
以帳簿新者必問於舊者而知之舊者曰是吾巷  
陌井溝也可乎今天下之仁義也儒者指而私之  
曰是漢之道也有稱國學者斥而外之曰是非我

之道也皆非也道豈有彼此載之以文彼較舊於  
我彼來而貢之我取而用之與釀冶織縫之工何  
異載籍者織縫釀冶也而仁義者蠶也桑也麴米  
銅鐵也以麴米銅鐵蠶桑為自彼來者儒者之見  
也欲廢織縫釀冶者國學者之說也故曰皆非也  
天道一也則學亦一也寧有所謂國云者乎陋哉  
且夫先王已取而用之者為令典矣而敢非議之  
是議先王之典者矣而幸免於誅也

三十七年丙寅高麗使至表文倨慢稚郎子奏劾責使  
者壞表文丙寅高麗使至表文倨慢稚郎子奏劾責使

三十八年丁卯遣使於吳求織縫工女先是百濟獻  
縫釀酒冶工至是導我使入吳以漢人歸化者充使

四十年己巳立皇子稚郎子為皇太子皇子大鷦鷯大  
山守並長帝特愛稚郎子立之

四十一年庚午春二月天皇崩大山守謀反大鷦鷯知  
之密告太子誅之太子素知大鷦鷯賢欲讓位避之

菟道固辭相讓三年貢獻者莫知所適太子遂自殺  
大鷦鷯驚馳至慟哭群臣遂勸進即位

仁德天皇諱大鷦鷯應神第四子母仲姬皇后  
在位八十七年崩壽一百十葬百舌

元年癸酉春正月天皇即位居難波號高津宮

二年甲戌春立葛城磐之姬為皇右葛城襲津彥女

十年壬午修皇宮初帝登高望見人烟稀少知民貧乃

痛自節儉宮室不墜任其頽地也悉除租稅三年望見

炊烟盛起喜謂皇右曰朕富矣右曰屋漏衣敝何謂

富乎帝曰天之立君為民也民之富乃朕之富也臣

民請輸稅修宮不聽至是始科課役修之不日而成

十一年癸未詔北河橫溢下流不駛每霖海潮逆土民

苦泥濘宜鑿宮北地為渠通海以全田宅又築茨田

堤是歲新羅人朝貢因從具役工

十二年甲申秋高麗入貢獻鏡盾鏡的敷饗使者令戶

田宿彌射鏡的洞之冬穿粟隈渠以溉山背田

十三年乙酉置茨田屯倉定春米部

十七年己丑新羅不貢遣侯責問乃貢絹物八十艘

三十年壬寅秋皇右遊熊野帝徵八田媛納宮中皇右

聞恨之直赴山背固城終焉

三十一年癸卯

三十八年庚戌春立八田媛為皇右

五十三年乙丑新羅不貢遣田道將兵討之虜四邑民

而還

五十五年丁卯蝦夷反遣田道討之軍敗田道死之

六十二年甲戌始置冰室

六十五年丁丑

七十八年庚寅大臣武內宿禰薨

八十七年己亥春正月天皇崩帝末年刑措二十餘歲

及崩民如喪父母皇太子初終羽田黑媛為妃皇弟

仲皇子佯稱太子與姦事露仲畏罪反時皇太子既

除喪未即位仲舉兵圍宮皇太子方被酒臥諸大臣

入皆不信扶上馬奔河內至埴生坂而醒入大和發

當麻兵遣皇弟瑞齒別討仲瑞齒別恐事平後或被

疑請與平羣木鬼偕遂誘仲近臣刺領巾刺殺仲木

鬼請而誅刺領巾太子乃返冬十月葬仁德天皇

類囊曰仁德之所以為仁可知已仁德之言曰天

為民立君君自儉以養民民富則君富大哉言乎

是我列聖之所傳而發之於帝所以貽範萬孫也

六經所訓百史所傳豈有以尚此哉自是其後循

之者安違之者危下至武門一興一廢無不由此

者大哉言乎有德者有言因其言可以知其德矣

維郎子之讓位亦知其德屬天下之望也然讓之

可也而至於以讓殺身過斷髮文身之泰伯可謂

爲已甚者矣遂致使後世容疑其間以爲或有希  
甘之臣如羽父之請於魯隱者而抱焉而慟又類  
宋太宗之哭德昭豈仁德之處兄弟又有未盡其  
善者邪可勝惜哉世知仁德之仁而已當帝之時  
有若尸田之接高麗使者以弓力折服其心有若  
田道之討新羅避堅攻瑕仁者之勇足以使將帥  
馭夷狄又可以見已帝之德過禹之卑宮惡服而  
不及湯之不邇聲色有文王之無逸而無其儀寡  
妻閨門不脩子孫視效故繼續之際有仲皇子之  
亂允恭安康之際亦云危矣及正之智雄略之武

慮足以靖其難而雄略之失任那亦由於好色夫  
以仁德之德而一不慎焉則貽禍後嗣如此況不  
及仁德者可不戒焉哉

世之臣也... 宋太宗... 皇朝... 山... 歐... 以... 皇...



